

## Is festas printzipales e sagras de su Gerrei



### Is festas printzipales e sagras de Pauli Gerrei

Su comunu de Pauli Gerrei at promòvidu, in su 2004, una chirca subra de su costùmene traditzionale de su bidda, gràtzias a sa cale est istadu possibile torrare a costruere is bestires traditzionales, feminine e maschile, oe bestidos dae is cumponentes de su Grupu Folk Pauli Gerrei de s'Assòtziu Proloco Pauli Gerrei. Intre is festas printzipales e sagras chi si faghent in Pauli Gerrei si signalant, su 17 ghennàrgiu, sa Festa de Sant'Antoni de su Fogu, cun s'alluimentu de sa foghera, est a nàrrere Su Fogadoni chi illùminat e caentat sa pratza Emilio Lussu e sa chena de faa cumbidada dae su Comitadu; sa de tres domìnigas de maju, sa Festa patronale de Santu Nigola de Bari, a pustis de sa cale su lunis sighbente si faghet Sa Festa Manna, Festa popolare e religiosa paris, e est sa die chi non si depet traballare; in su cumintzu de austu sa Sagra de su Porceddu, chi previdet in pratza Emilio Lussu s'arrustimentu segundu sa tradizione de prus de chimbanta copieddos prodùidos dae su Cunsòrtziu de su còpiu de su Gerrei e ofertos dae allevadores de su territòriu, chi sunt cumbidados a is istràngios cun malloreddus, casu, berdura, abba e binu; su de tres lunis de cabudanni, sa Sagra de Santa Lughia, in sa crèsia sua, cun una Festa religiosa e una Sagra de su sartu; su 6 de mese de idas, si tzèlebrat sa Festa religiosa de Santu Nigola de Bari, su 13 mese de idas sa Festa religiosa de Santa Lughia, fintzas custa in sa crèsia de su sartu sua.

### Is festas printzipales e sagras de Sant'Andria e' Frius

A Sant'Andria e' Frius est ativa s'Assòtziu Culturale e Folclorìstica Sant'Isidoro de Sant'Andria e' Frius, acanta est possibile a ammirare su costùmene traditzionale de su bidda. Intre is festas

printzipales e sagras chi si faghent in Sant'Andria e' Frius andant signaladas, in ghenàrgiu, is fogarones in onore de Sant'Antoni de su Fogu e de Santu Sebastianu; in freàrgiu, su Carnevali, mutidu Carnevali Santandriesu; in s'ùrtima chida de maju, sunt acrobadas, in Sa Festa Manna, sa Festa de Sant'Andria de Maju, chi fiat sa Festa de is pastores, e sa Festa de Sant'Isidoro, chi fiat sa Festa de is massajos; su primu domìngu de austu, si faghet sa Sagra de sa Mèndula, acumpangiada dae mustras artesanales e de ispetàculos musicales, acanta est possibile a tastare sa variedade de durches cun mèndula, e momentu prus importante est su cuncursu pro su mègius Gateau, durche a base de tzùcaru e mèndula; su 15 maju, sa Festa de s'Assunta: a sa vigilia si faghet sa missa e sa protzessione, acanta benit portadas is suas istàtuas de sa Madonna, est a nàrrere sa dormida, chi est tragada dae bator pessones, e sa chi pesat a su chelu, chi est tragada dae su tratore; sa prima domìniga de cabudanni, sa Festa de sa Madonna de Bonària, in sa crèsia de su sartu a issa dedicata: su 30 de onniasantu si tzèlebrat sa Festa de Sant'Andria de Onniasantu, un'eventu dedicadu a su Santu patronu.

### **Is festas printzipales e sagras de Ballau**

In Ballau, su costùmene traditzione est oramai pagu imprardu, ma est istadu possibile ddu recuperare cun is testimonias de betzos e cun descripciones registradas dae osservadores de àteros tempos. In sa bidda est ativa s'Assòtziu Pro Loco de Ballau, chi at torrardu a bogare su costùmene traditzionale antigu. Intre is printzipales festas printzipales e sagras chi si faghent a Ballau, tocat a remonare su 16 ghenàrgiu, sa Festa de Sant'Antoni de su Fogu, cun s'alluimentu de su fogorone mutidu Su Fogadoni; su lunis de s'ànghelu, sa Festa de Santa Maria de Cleofe, in sa crèsia de su sartu a issa dedicata a làcana cun Silius; su 26 làmpadas, sa Festa de is Santissimos Predu e Pàulu; su 22 de argiolas, sa Festa de Santa Maria Maddalena, chi est sa Festa patronale de su bidda; in cabudanni, sa Festa de sa Santa Grugi, in s'omònima crèsia de su sartu; su primu lunis de mese de ladàmine, sa Festa de Santa Vitàlia; su 2 de onniasantu, sa Festa mutida de Is Animedas, acanta is pipios, rapresentende is ànimas de is mortos, andant fatu de is domos a pedire durches e fruta; in una die non sempre segura, si faghet sa Festa de Santu Predu, chi si festat in sa crèsia de su sartu posta a belle che unu chilòmetru de sa bidda, chi si festat cun una protzessione, ballos e cantos.

### **Is festas printzipales e sagras chi si faghent in Armùngia**

A Armùngia est ativa s'Assòtziatzione Culturale Grupu Folk Aremusa de Armùngia, chi at torrardu a bogare a campu s'antigu costùmene traditzionale de su bidda. Intre is printzipales festas printzipales e sagras chi si faghent in Armùngia, su 20 ghenàrgiu, sa Festa de Santu Sebastianu, cun foghera de su sero pretzedente, gara poètica, cùmbidu de binu, durches e pratos tipicos locales; su 24 de abriale, si faghet sa Festa de Sennora Nostra de Bonària. Sa note a in antis si faghet sa protzessione cun s'istàtua de sa Madonna a sa pitica crèsia sua de su sartu posta a pagu tretu de sa bidda, acanta si sighint sa domìniga cun tzerimònias religiosas e cun sa torrada a bidda; su

28 maju, sa Festa patronale in onore de sa Beata Vèrgine Immacolada; a sa fine de sa primu chida de austu si faghet sa Sagra de su Pistocu, acanta si podet degustare su tipicu e carateristicu pane de Armùngia, sende chi Su Pistocu fiat unu pane de impreu fitina ca duraiat de prus, essende cotu duas bias, e chi is pastores consumaiant infundende-lu in s'abba pro ddu ammoddiare; su 28 austu, si faghet sa Festa de Sant'Austinu; Armùngia si bestit a festa fintzas a sa fine de sa segunda chida de cabudanni, cando su note de su sàbadu, pro sa segunda Festa de Sennora Nostra de Bonària, si faghet sa protzessione cun s'istàtua de sa Madonna a sa pitica crèsia sua de su sartu. Sa festa sighet domìniga cun tzerimònias religiosas finas a sa torrada a biddu. Su lunis si faghet sa Pompa in onore de Santu Sebastianu cun s'istàtua de su Santu chi dae sa crèsia parrocchiale est portadu in protzessione in is caminos de su biddu. A sa tzerimònia religiosa sighet is festas tziviles.

### **Is festas printzipales e sagras chi si faghent in Biddesatu**

In Biddesatu est ativu su Grupu Folk Santu Cristolu de Biddesatu, chi s'ammustrat in su tipicu costùmene de su logu ballende su carateristicu ballu sardu. Intre is festas printzipales e sagras chi si faghent in Biddesatu, andant remonadas: su 17 de ghennàrgiu sa Festa de Sant'Antoni de su Fogu e su 20 de ghennàrgiu sa Festa de Santu Sebastianu, caraterizadas dae is fogheras mannas chi s'alluent in sa pratza de su biddu pro invocare un'incùngia bona, e sunt distribuidos aràngios o pane a sa popolazione, a segunda de su Santu festadu; sa die de s'Ascensione, sa Festa mutida Su Sinnadroxu; s'ùrtima domìniga de maju, sa Festa de su Monte; su primu lunedì de làmpadas, est sa die de astensione de su traballu, in occasione de sa Festa in onore de Santa Bàrbara, chi est sa Festa prus manna de su biddu. Festa chi si repitet sa prima domìniga de argiolas; in austu, sa Festa de Santu Cristolu, in sa pitica crèsia sua de su sartu; su 29 de cabudanni, sa Festa patronale de Santu Micheli Arcàngelu; su mangianu de su 31 mese de ladàmine, si faghet sa festa mutida Is Animeddas, acanta is pipios andant dae domo in domo a retzire cosa de papare, pro su prus durches o fruta chi is abitantes de su biddu ddis donant in onore de is ànimas de is mortos.

### **Is festas printzipales e sagras chi si faghent a Santu 'Asili**

In Santu 'Asili est ativa s'Assòtziu Culturale Grupu Folk de Santu 'Asili chi s'ammustrat a rechesta in occasione de festas e manifestatziones, e in is cales esibitziones est possibile a ammirare su costùmene traditzionale de sa biddu. Intre is festas printzipales e sagras chi si faghent a Santu 'Asili est a remonare, intre su 17 e su 20 ghennàrgiu sa Festa de Sant'Antoni de su Fogu de Santu Sebastianu, cun s'alluimentu de sa foghera, mutida in manera Su Foghidoni; a is primos de freàrgiu, prus che totu sa prima chida, si faghet sa Cursa de sa Pudda; su 20 de maju, sa Festa de Santa Greca e Santu Isidoro, cun protzessiones in onore de is Santos chi sunt in is bias de sa biddu cun carros a boes e caddos allichididos de frores ghiados dae cadderis in costùmene traditzionale, e pro is calis is tzelebratziones religiois s'acumpàngiant a ballos in pratza; su 12 e 13 làmpadas, sa Festa de Santa Barbara, in sa pitica crèsia dedicada a sa Santa; su 14 de làmpadas, sa Festa de Santu 'Asili, in sa crèsia a issu dedicada; su 29 de làmpadas, si tzelebrat sa Festa patronale de Santu Pedru Apòstolu; s'ùrtima domìniga de austu, sa Festa de Santu Giuanni Batista amparadore de is pastores, cun sa Sagra de sa berbeghe, cun degustatzione de produtos de su pastoriu e binos locales in sa pratza printzipale, protzessione, ispàssios musicales, e cun fogheras in is caminos; s'ùrtima domìniga de cabudanni, sa Festa de Santu Ignàtziu de Làcòni, cun tastu de casu, durches e

binu de su logu cumbidadu dae totu is persones de nùmene Ignazio, e fintzas issa cun fogorones in is caminos.

### **Is festas printzipales e sagra de Goni**

A Goni est ativu s'Assòtziu Turìsticu Pro Loco Goni, chi gràtzias a is istùdios suos, a is intervistas a is betzos e a s'impinnu de is sòtzios suos, at torrada a bogare a campu su costùmene traditzionale locale. Intre is festas printzipales e sagra chi si faghent in Goni mèritant de èssere remonadas, in s'acabbu de martzu, in su parcu archeològicu, si faghet sa Die de beranu; su primu maju, sa Festa de Santu Giagu minore, cun ballos càntigos e gastronomia traditzionale locale; s'ùrtima domìniga de argiolas, sa Festa de su patronu Santu Giagu Majore, cun protzessione fatu de is camineddos de su bidda; su 31 de austu, sa Festa de Santu Raimundu, fintzas cussa cun ballos, cantos e gastronomia traditzionale locale.

### **Is festas printzipales e sagra chi si faghent a Scalepranu**

In Scalepranu est ativu su Grupu Folclorìsticu Santu Sarbadore, chi comente in is àteras biddas de su Gerrei, portat a in antis sa traditzione de su bestire antigu. Intre is printzipales festas printzipales e sagra chi si faghent in Scalepranu mèritant de esserent remonadas, su 17 de ghenàrgiu, sa Festa de Sant'Antoni de su Fogu chi previdet sa note pretzedente s'alluimentu de su fogu mutidu Is fogadonis de Is Bixinaus e sa prima isfilada de is caratzas traditzionales de su carnevali, est a nàrrere Su Boi e Su Domadori; su 20 de ghenàrgiu, sa Festa de Santu Sebastianu, patronu de Scalepranu, fintzas cussa pretzèdida dae s'alluimentu de sa foghera; in su mese de làmpadas si faghet sa Sagra de s'Ògiu de Ollistincu e de su Casu, chi tenet comente punna su de avalorare sa traballadura e sa bèndida de custos produtos; su 15 de maju si faghet sa Festa de Santu Sarbadore, cun su trasportu de s'sitàtua in sa pitica crèsia de su sartu omònima; su 24 de làmpadas, sa Festa de Santu Giuanni Batista, in sa crèsia de su sartu a issu dedicata; in Mesaustu si faghet sa manifestatzione folclorìstica famada de su Mesaustu Escalaplansu, e su 15 de austu, sa Festa de Maria Vèrgine Assunta; su 31 mese de ladàmine e su 1 de onniasantu, sa manifestatzione mutida Sa Passillada a Scalepranu; su 4 mese de idas, sa Festa de Santa Bàrbara.

### **Is festas printzipales e sagra chi si faghent a Silius**

Intre is printzipales festas printzipales e sagra chi si faghent a Silius mèritant de èssere mentovadas, sa domìniga sutzessiva a su 17 ghenàrgiu, sa Festa de Santu Sebastianu; su 2 de freàrgiu, sa Presentada de Gesùs a su tèmpiu, in occasione de sa Candelora, chi est sa Festa printzipale de sa Prioressa de sa Madonna de su Rosàriu; su 7 de martzu, sa Festa de is Santissimas Felicità e Perpètua, chi est sa Festa patronale de su bidda; su 24 de abriale, sa Festa de Sennora Nostra de Bonària; in s'acabbu de mese de abriale sa manifestatzione Atòbiu in Is Alineddus; sa prima domìniga de maju, sa Festa de Sennora Nostra de su Rosàriu, segunda Festa de sa Priorissa

de sa Madonna de su Rosàriu; sa prima domìniga de làmpadas, sa Sagra de Sa Pàrdula; sa segunda domìniga de làmpadas, una segunda Festa de Santa Felicità e Santa Perpètua; su 21 làmpadas, sa Festa de Santu Luisu Gonzaga; sa segunda domìniga de argiolas, sa Sagra de Santa Bàrbara, amparadora de is minadores; a sa fine de sa de tres chidas de austu, Sonos a Silius, rassigna de sonos traditzionales de sa Sardigna, acantu sonant medas artistas cun organitu, launeddas, armònica a buca, trunfa, sulitu; is dies a inghìriu a s'ùrtimu lunis de cabudanni, sa Festa de sa Madonna de sa Salute; su 4 mese de ladàmine, sa Festa de San Frantziscu de Assisi; sa prima domìniga de mese de ladàmine, sa Festa de Sennora Nostra de su Rosàriu; su 4 mese de idas, sa Festa de Santa Bàrbara; su 8 mese de idas, s'Immacolata Cuntzetzione.